



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-474-4/24**
Datum: **30.09.2024. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu korisnika „I-CRNI“ d.o.o. Cazin, za izdavanje vodne dozvole za ispuštanje oborinskih onečišćenih voda sa lokacije objekta interne benzinske stanice sa pratećim sadržajima, izgrađenog u naselju Lojička, Grad Cazin, na osnovu člana 109. stav 1. Zakona o vodama („Službene novine Federacije BiH“, broj 70/06) i člana 200. Zakona o upravnom postupku (Službene novine Federacije BiH“, broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola pravnom licu „I-CRNI“ d.o.o. Cazin, za ispuštanje oborinskih onečišćenih voda sa lokacije objekta interne benzinske stanice sa pratećim sadržajima, izgrađenog u naselju Lojička, na zemljištu označenom kao k.č. broj: 349/16 K.O. SP-Ćoralići, (stari katastarski operat), odnosno k.č. broj: 1902/3 K.O. Ćoralići (novi katastarski operat) Grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja, korisnik, „I-CRNI“ d.o.o. Cazin, realizuje projektnu dokumentaciju – „Glavni projekat prikupljanja, tretmana i ispuštanja otpadnih voda sa lokacije objekta interne benzinske pumpne stanice I-CRNI doo Cazin“, izrađena od strane ovlaštenog pravnog pravnog lica „TQM“ doo Lukavac pod brojem: 10-143/23 jula 2023. godine revidovana od strane „Euroing“ doo Bihać pod brojem: REV 16-08/23 dana 11.08.2023. godine,
 - 3.3. Izvršiti ispitivanje izvedenih vanjskih hidroinstalacija na vodonepropusnost i priložiti zapisnik o istom.
 - 3.4. Pribaviti saglasnost operatora kanizacionog sistema, za ispuštanje prečišćenih voda u isti.
 - 3.5. Izvesti okno za uzorkovanje na cijevnom vodu neposredno iza uređaja za tretman otpadnih voda, a prije ispuštanja prečišćenih voda u predviđeni recipijent te izvršiti uzorkovanje otpadnih voda sukladno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
 - 3.6. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.7. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (novoprojektirani separator ulja i masti), a zatim tretirane vode ispuštaju u recipijent – Čajin potok.
 - 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službeni evidenciju i arhivu.

- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.11. Talog iz separatora kao ni ostali opasni materijal i otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Smještaj nafte i naftnih derivata vršiti u ukopanim dvoplašnim spremnicima, zapremine 40 m³.
5. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
6. U periodu važenja ove dozvole, pravno lice je dužno provoditi sve mjere i aktivnosti propisane istom.
7. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
8. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje se sa rokom važenja od **(1) jedne godine** od dana pravosnažnosti ovog rješenja, uz uslov da se aktivnosti obuhvaćene tačkom 3. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.
13. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

Obrazloženje

Investitor, „I-CRNI“ d.o.o. Cazin, obratio se ovoj Agenciji dana 10.09.2024. godine zahtjevom za izdavanje vodne dozvole za ispuštanje oborinskih onečišćenih otpadnih voda sa lokacije objekta interne benzinske pumpe sa pratećim sadržajima, izgrađenog u naselju Lojička, Grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, izdan od strane Općinskog suda u Bihaću, Matični broj subjekta upisa: 1-2738-00, dana 20.08.2024. godine,

- Ovjerena kopija Uvjerenja o poreznoj registraciji, izdano dana 07.12.2007. godine, od strane Federalnog ministarstva finansija, Porezne uprave – Kanatonalni ured UNSKO-SANSKOG KANTONA,
- Ovjerena kopija uvjerenja o registraciji/upisu u Jedinstveni registar obveznika inidirektnih poreza; izdano od strane Uprave za indirektno-neizravno oporezivanje Banjaluka, pod brojem 04/1-17-56-1398-2/07, dana 18.12.2007. godine, u Banjaluci,
- Kopija Naloga za plaćanje upravne pristojbe,
- Opći akt o održavanju, korištenju i osmatranju vodnog objekta i postupanju u slučaju kvara ili havarije, broj: 456-02/19, od 21.06.2019. godine,
- Kopija Rješenja o vodnoj dozvoli; izdano od strane Agencije za vodno područje rijeke Save Sarajevo, pod brojem UP-I-25-3-501-4/14, dana 09.09.2014. godine,
- Kopija Rješenja, kojim se investitoru, Puškar (Osman) Ekremu i d.o.o. „I-CRNI“ Cazin iz Cazina daje urbanistička saglasnost za izvedene i daljne radove na dogradnji postojećeg poslovnog objekta, i interne benzinske pumpe za snabdijevanje gorivom vlastitog voznog parka i mašina, na zemljištu označenom ako k.č. broj: 1902/3 (podaci novog premjera), što po starom katastarskom operatu predstavlja k.č. broj: 349/16 k.o. Čoralići; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove opštine Cazin pod brojem 05-23-137/04, dana 05.04.2004. godine, u Czinu,
- Kopija rješenja, kojim se investitoru, Puškar (Osman) Ekremu i d.o.o. „I-CRNI“ iz Cazina, daje odobrenje za izvedene i dalje radove na dogradnju postojećeg poslovnog objekta, namjenski za skladište građevinskog i drugog materijala, alatnica i interna benzinska pumpa za dizel gorivo za potrebe vlastitog transporta, u naselju Lojića, na zemljištu označenom kao k.č. broj: 1902/3 k.o. Čoralići (podaci novog premjera), što po starom katastarskom operatu predstavlja k.č. broj: 349/16, k.o. Čoralići; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove općine Cazin pod brojem: 05-23-793/04, dana 20.04.2004. godine, u Czinu,
- Kopija prethodno izdate vodne dozvole od strane ove Agencije pod brojem: UP-I/25-3-40-364-8/19 dana 26.09.2019. godine,
- Kopija Ugovora o ustupanju nekretnina bez naknade između Puškar Ekrema iz Cazina pravnom licu „I-CRNI“ doo Cazin, sačinjen od strane notara Alagić Šaćira pod brojem OPU-IP-59/2010 od 18.03.2010. godine,
- Kopija Potvrde o elektrostatičkoj neprobojnosti dvoplašnog rezervoara $V=40\text{ m}^3$, izdata od strane pravnog lica „Natron“ dd Maglaj pod brojem 33/01 dana 23.03.2001. godine, proizveden u poduzeću „Krivaja“ Zavidovići sa tehničkim opisom i Zapisnikom o izvršenoj kontroli broj 19/001 od 03.04.2001. godine
- Kopija Izvještaja o monitoringu kvaliteta i kvantiteta otpadnih voda firme "I-CRNI" d.o.o. Cazin, PJ Transport; urađen od strane Instituta za kvalitet, standardizaciju i ekologiju TQM d.o.o. Lukavac pod brojem: 7-243-2751/24 od 24.04.2024. godine, u Lukavcu,
- Zaključak o visini i roku za plaćanje posebnih troškova, broj: UP-1/21-3-40-474-3/19 od 24.09.2024. godine te kopija naloga za plaćanje istih,
- Uvjerenje kojim se potvrđuje da se parcela broj k.č. 1902/3 K.O. Čoralići ne nalazi u zoni sanitarne zaštite izvorišta vode za piće izdato od strane JKP „VODOVOD“ d.o.o. Cazin pod brojem: 05-19-06-12/23 od 25.05.2023. godine,
- Saglasnost za ispuštanje prečišćenih oborinskih voda iz objekta interne benzinske pumpe u vlasništvu „I-CRNI“ doo Cazin".

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta interne benzinske pumpne stanice „I-CRNI“ d.o.o. Cazin, u naselju Lojička, Grad Cazin, i tom prilikom sačinjen zapisnik o uviđaju broj: UP-1/21-3-40-474-2/24, dana 20.09.2024. godine.

Objekt interne benzinske pumpe „I-CRNI“ d.o.o. Cazin, je lociran u krugu skladišta građevinskog materijala firme I-CRNI d.o.o. Cazin, u naselju Lojička, sa lijeve strane magistralne ceste M 4. 2.

Objekt se sastoji od nadstrešnice nad automatom za istakanje goriva (smješten unutar postojećeg skladišnog objekta), ukopanog spremnika za gorivo, te manipulativnog asfaltiranog, odnosno betoniranog prostora, koji je oivičen sa jedne strane linijskom kanalicom i slivnikom, za prijem onečišćenih oborinskih voda.

Gorivo se drži uskladišteno u ukopanom spremniku sa dvostrukom stijenkom, zapremine od 40 m^3 .

Sanitarne otpadne vode iz objekta upravne zgrade su kanalizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom sprovedene u interni kanalizacioni sistem bivše TKA Cazin.

Oborinske vode sa saobraćajnica koje mogu sadržavati produkte naftnih derivata i suspendirane materija sa vozila koja prometuju istim, se, preko separatora ulja i masti odovde do ispusta u interni kanalizacioni sistem bivše Tvornice kartona i ambalaže.

Manipulativni prostor za tankanje i pretakanje su asfaltirani, odnosno, betonirani.

Tehničkom dokumentacijom, na osnovu koje je pribavljeno odobrenje za građenje, nije obrađen aspekt zaštite voda.

Priložen je izvještaj o mjeranju kvaliteta otpadnih tehnoloških voda, kojim nije prikazano mjesto uzorkovanja otpadnih voda, a kao recipijent je naveden interni kanalizacioni sistem. Nije izgrađeno okno za monitoring.

Podnosilac zahtjeva je pribavio akt nadležnog komunalnog preduzeća, koje upravlja javnim gradskim kanalizacionim sistemom, kojime se operator izjašnjava da ne upravlja internim kanalizacionim sistemom bivše TKA Cazin.

Izradom tehničke dokumentacije ustanovljeno je da postojeći separator ulja i masti svojim kapacitetom ne odgovara potrebama obavljanja aktivnosti na prostoru interne BP te je predviđena zamjena istog.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „I-CRNI“ d.o.o. Cazin, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Fuad Mujagić, dipl. inž.

Po ovlaštenju
Rukovodilac sektora za izdavanje
vodnih akata

Nihad Pezo, dipl.inž.građ.

Dostaviti:

- „I-CRNI“ d.o.o. Cazin, Lojička bb, 77 220 Cazin
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava